

შეზღუდული შესაძლებლობის მქონე
ქალთა ეროვნული ქსელი

წესდება

2024 წელი

მუხლი 1

ზოგადი დებულებები

- 1.1. შებენიანი შესაძლებლობის მქონე (შემდგომში შშმ) ქალთა ეროვნული ქსელი (შემდგომში ქსელი) არის არასამეწარმეო (არაკომერციული) იურიდიული პირი, რომელიც მოქმედებს საქართველოს კონსტიტუციის, კანონმდებლობისა და ამ წესდების შესაბამისად.
- 1.2. ქსელი, თავისი მიზნებიდან გამომდინარე მოქმედებს საქართველოს მთელ ტერიტორიაზე, ასევე მის ფარგლებს გარეთ.
- 1.3. ქსელის ლათინური ტრანსკრიფცია National Network of Women With Disabilities (NNWWD)
14. ქსელის იურიდიული მისამართი: ქ. თბილისი, ც. დადიანის გამზირი, კორპ.#315
- 1.5. ელექტრონული ფოსტა - wwd.georgia@gmail.com

მუხლი 2

მისია და მიზნები

- 2.1. ქსელის მისიაა - შებენიანი შესაძლებლობის მქონე ქალებისა და გოგონების სამოქალაქო, პოლიტიკური, ეკონომიკური, სოციალური და კულტურული უფლებების განხორციელების ხელშეწყობა.
- 2.2. ქსელის მიზნებია:
 - ა) შებენიანი შესაძლებლობის მქონე ქალებისა და გოგონების ღირსების, უფლებებისა და თავისუფლების დაცვა;
 - ბ) შებენიანი შესაძლებლობის მქონე ქალებისა და გოგონების გაძლიერება სრული და ეფექტური ჩართულობისა და გენდერული თანასწორობისთვის;

მუხლი 3

საქმიანობის ფორმები

- 3.1. წესდებით დადგენილი მიზნების მისაღწევად ქსელი:
 - 3.1.1. ეწევა საგანმანათლებლო - შემეცნებით საქმიანობას შშმ ქალებისა და გოგონების სპეციფიკით გათვალისწინებულ საჭიროებებზე მათი თანაბარი უფლებებისა და კანონიერი ინტერესების დაცვაზე ცოდნის ასამაღლებლად;
 - 3.1.2. ქმნის შშმ ქალთა გაძლიერების და საკონსულტაციო მომსახურების ცენტრებს (ბიუროებს) და უზრუნველყოფს სასამართლო და სხვა ორგანოებში წარმომადგენლობას. ხელს უწყობს შშმ პირთა/ქალთა სამართლებრივი დაცვის ეფექტური ინფრასტრუქტურის შექმნას;
 - 3.1.3. ეწევა შშმ პირთა/ქალთა უფლებრივი მდგომარეობისა და ყოფის გაუმჯობესებაზე მიმართული სახელმწიფო და სხვა პროგრამების შეფასებასა და მონიტორინგს. ქსელის პოზიციების გამოხატვის გზით აქტიურად მონაწილეობს სფეროში არსებული მნიშვნელოვანი საკითხების განხილვაში;
 - 3.1.4. ეწევა შშმ ქალებისა და გოგონების უფლებების, მათი „დამოუკიდებელი ცხოვრების“, ეროვნულ, მუნიციპალურ და უწყებრივ დონეებზე კონსულტირებისა და გადამწყვეტილების მიღების პროცესში ჩართულობის მნიშვნელობის პოპულარიზაციას და ხელს უწყობს სფეროში თანამედროვე მიდგომების დამკვიდრებას;
 - 3.1.5. მუშაობს გენდერული თანასწორობის, ქალთა მიმართ და ოჯახში ძალადობის წინააღმდეგ მიმართული საკითხებზე, ასევე შშმ ქალთა სექსუალური და რეპროდუქტიული ჯანმრთელობისა და უფლებების რეალიზაციის ხელშეწყობისაკენ მიმართულ საკითხებზე;
 - 3.1.6. ხელს უწყობს შშმ ქალებისა და გოგონების საარჩევნო პროცესებში აქტიურ ჩართულობას და პოლიტიკურ მონაწილეობას, ასევე მონაწილეობს სამშვიდობო პოლიტიკის მშენებლობის პროცესებში;
 - 3.1.7. ადგენს ანგარიშებს, შეიმუშავებს პოლიტიკის დოკუმენტებს, კვლევით ნაშრომებსა და

რეკომენდაციებს და ექსპერტიზას/ანალიზს უწევს კანონპროექტებს და სახელმწიფო პროგრამებს შშმ პირთა/ქალთა უფლებრივ სფეროში . მართავს სემინარებს, კონფერენციებს, სიმპოზიუმებს და დისკუსიებს. ასევე, ატარებს ტრენინგებსა და სხვა საგანმანათლებლო ღონისძიებებს;

3.1.8. ზრუნავს შშმ პირთა/ქალთა საკითხებზე არსებული თანამედროვე ლიტერატურით, აუდიო და ვიდეო მასალებით აღჭურვილი საბიბლიოთეკო ქსელის შექმნასა და განვითარებაზე. ეწევა საგამომცემლო და მთარგმნელობით საქმიანობას;

3.1.9. თანამშრომლობს სფეროში მოქმედ ადგილობრივ და საერთაშორისო ორგანიზაციებთან;

3.1.10. შესაძლოა ეწეოდეს დამხმარე ხასიათის სამეწარმეო საქმიანობას, რომელიც არ ცვლის მისი, როგორც არასამეწარმეო იურიდიული პირის ხასიათს;

3.1.11. ეწევა სხვა საქმიანობას, რომელიც არ არის აკრძალული საქართველოს

კანონმდებლობით. ქსელის დამფუძნებელი ა(ა)იპ ორგანიზაციები არიან:

N	ა(ა)იპ	ს/კ	ხელმძღვანელი
1	დამოუკიდებელი ცხოვრების შშმ ქალთა ცენტრი	400052134	თამარ მაჭარაშვილი
2	მზიანი ბილიკი	4000151134	ინგა ნაბახტველი
3	პლატფორმა ახალი შესაძლებლობებისთვის	406282600	ესმა გუმბერიძე

მუხლი 4

წევრობა

ქსელის წევრი შეიძლება გახდეს შეზღუდული შესაძლებლობის მქონე ქალთა ორგანიზაციები, ზრდასრული ასაკის, ნებისმიერი ფიზიკური პირი, რომელიც იზიარებს ქსელის მიზნებს. ქსელის შშმ პირის სტატუსის არმქონე წევრთა რიცხვი არ უნდა აღემატებოდეს წევრთა საერთო რიცხვის 25%-ს

4.1. ქსელის წევრობის მსურველი დადგენილი ფორმით წერილობითი განცხადებით მიმართავს ქსელის გამგეობას. გამგეობა წევრად მიღების საკითხს წყვეტს განცხადების შემოსვლიდან არა უგვიანეს 3 თვისა. განუვრიანების საკითხის გადაწყვეტამდე წევრობის მსურველმა უნდა წარმოადგინოს დადგენილი

ფორმით ქსელის ორი წევრის წერილობითი რეკომენდაცია.

4.2. ქსელის დამფუძნებლები და შემდგომ გაწევრიანებული პირები თანაბარი სტატუსით სარგებლობენ.

4.3. ქსელის წევრს უფლება აქვს:

4.3.1. მონაწილეობდეს ქსელის საერთო კრების მუშაობაში;

4.3.2. აირჩიოს და არჩეულ იქნეს ქსელის მმართველობის ორგანოებში;

4.3.3. კვალიფიკაციისა და შესაძლებლობების შესაბამისად მონაწილეობდეს ქსელის პროგრამებში;

4.3.4. სათათბირო ხმის უფლებით მონაწილეობდეს გამგეობის სხდომებში;

4.3.5. მიიღოს ყოველგვარი ინფორმაცია ქსელის ხელმძღვანელი ორგანოებისა და პირებისაგან ქსელის საქმიანობის შესახებ;

4.3.6. ქსელის მიზნების შესაბამისად, შესაძლებლობის ფარგლებში, ისარგებლოს ქსელის საკუთრებაში არსებული ინფორმაციით და მატერიალურ - ტექნიკური საშუალებებით;

4.3.7. ატაროს ქსელის ემბლემა და სხვა აქსესუარები.

4.4. ქსელის წევრი მოვალეა:

4.4.1. დაიცვას ქსელის წესდება, შინაგანაწესი და მმართველი ორგანოების მიერ მიღებული გადაწყვეტილებები;

4.4.2. გაუფრთხილდეს ქსელის ღირსებას, ავტორიტეტსა და ქონებას;

4.4.3. შესაძლებლობებისა და ინტერესების შესაბამისად მონაწილეობდეს ქსელის საქმიანობაში;

4.4.4. სფეროში საქმიანობისას იხელმძღვანელოს ცენტრის მიზნებითა და დადგენილი ეთიკის ნორმებით;

4.4.5. გადაიხადოს საწევრო შენატანი დადგენილი წესითა და ოდენობით;

4.5. ქსელის წევრს უფლებამოსილება უწყდება:

4.5.1. საკუთარი განცხადების საფუძველზე;

4.5.2. გამგეობის წინასწარი შეტყობინების გარეშე საწევრო შენატანის ზედღირებულად სამი თვის განმავლობაში გადაუხდელობის შემთხვევაში;

4.5.3. სასამართლოს გადაწყვეტილებით;

4.5.4. გარდაცვალებისას;

4.5.5. საერთო კრების გადაწყვეტილებით ქსელის წევრი შეიძლება გაირიცხოს ქსელიდან, თუ მისი საქმიანობა ეწინააღმდეგება ქსელის მიზნებს ან იგი უხეშად არღვევს ამ წესდებით მასზე დაკისრებულ მოვალეობებს.

მუხლი 5 ქსელის მმართველობა

5. წევრთა საერთო კრება

5.1.1. ქსელის მართვის უმაღლესი ორგანოა წევრთა საერთო კრება.

5.1.2. საერთო კრების მუშაობაში მონაწილეობის მიღების უფლება აქვს ორგანიზაციის ყველა წევრს, გარდა იმ პირებისა, რომლებსაც შეჩერებული აქვთ წევრობა. წევრობა შეჩერებულ პირებს უფლება აქვთ დაესწრონ საერთო კრებას.

5.1.3. საერთო კრება ტარდება წელიწადში ერთხელ, ბოლო საერთო კრებიდან არაუგვიანეს ერთი წლის გასვლისა. გამგეობა ვალდებულია, კრების ჩატარების თარიღისა და დღის წესრიგის შესახებ აცნობოს ორგანიზაციის წევრებს კრებამდე არანაკლებ 2 კვირით ადრე.

5.1.4. რიგგარეშე საერთო კრება მოიწვევა:

5.1.4.1. გამგეობის გადაწყვეტილებით;

5.1.4.2. ქსელის არანაკლებ 5 (ხუთი) წევრის მოთხოვნით.

5.1.5. საერთო კრება უფლებამოსილია, თუ მასში მონაწილეობს ორგანიზაციის წევრთა საერთო რაოდენობის ნახევარზე მეტი.

5.1.6. ქვორუმის არარსებობის გამო, კრების განმეორებით მოწვევის შემთხვევაში, კრება უფლებამოსილია, თუ მასში მონაწილეობს ორგანიზაციის წევრთა საერთო რაოდენობის 1/3-ზე მეტი.

- 5.1.7. საერთო კრების განსაკუთრებულ კომპეტენციას განეკუთვნება:
- 5.1.7.1. წესდების მიღება და მასში ცვლილებების შეტანა;
 - 5.1.7.2. ორგანიზაციის საქმიანობის ძირითადი მიმართულებების განსაზღვრა;
 - 5.1.7.3. ორგანიზაციის გამგეობის წევრთა არჩევა;
 - 5.1.7.4. გამგეობის ანგარიშის დამტკიცება;
 - 5.1.7.5. ფულადი სახსრებისა და მატერიალური რესურსების გამოყენების შემოწმების მიზნით, საჭიროების შემთხვევაში, სარევიზიო კომისიის შექმნა, რომლის უფლებამოსილებასაც განსაზღვრავს საერთო კრება;
 - 5.1.7.6. ქსელის წევრობის შეწყვეტის საკითხის განხილვა;
 - 5.1.7.7. საწევრო გადასახადის ოდენობის განსაზღვრა.
- 5.1.8. საერთო კრების მიერ გადაწყვეტილებები მიიღება ფარული კენჭისყრით, დამსწრეთა ხმების უბრალო უმრავლესობით, გარდა საწესდებო ცვლილებებისა, რომლის შესახებაც გადაწყვეტილება მიიღება დამსწრეთა ხმების 2/3-ით.
- 5.2. ქსელის ხელმძღვანელობა/წარმომადგენლობა
- 5.2.1. ქსელის ხელმძღვანელი ორგანოა გამგეობა, (რომლის წევრთა ნახევარზე მეტი უნდა იყოს შებოძებული შესაძლებლობის მქონე პირი), რომელიც შედგება მინიმუმ 3 და მაქსიმუმ 9 წევრისაგან და რომელთა შემადგენლობას ორგანიზაციის წევრთაგან დამსწრეთა უბრალო უმრავლესობით ირჩევს წევრთა საერთო კრება 4 წლის ვადით და მისი უფლებამოსილება გრძელდება ახალი გამგეობის არჩევამდე. გამგეობის წევრთა რაოდენობა აუცილებელია იყოს კენტი.
- 5.2.2. გამგეობის სხდომები მოიწვევა თავმჯდომარის მიერ ან გამგეობის წევრის მოთხოვნით, არანაკლებ 3 თვეში ერთხელ.
- 5.2.3. გამგეობა უფლებამოსილია, თუ სხდომას ესწრება წევრთა ნახევარზე მეტი. გადაწყვეტილება მიიღება ხმათა უმრავლესობით. ხმების გაყოფის შემთხვევაში, გადამწყვეტი ხმა აქვს თავმჯდომარეს.
- 5.3. გამგეობის ფუნქციები:
- 5.3.1. ორგანიზაციის განვითარების სტრატეგიული გეგმის შემუშავება და დამტკიცება, ასევე ორგანიზაციის ხედვასა და მისიაში შესაძლო ცვლილებების დასამტკიცებლად წარდგენა საერთო კრებაზე;
 - 5.3.2. ორგანიზაციის საქმიანობის კონკრეტული მიმართულებების, განსახორციელებელი პროექტების იდეების შემუშავება;
 - 5.3.4. საერთო კრების დანიშვნა და ორგანიზება;
 - 5.3.8. წლიური ოპერაციული (სამოქმედო) გეგმის და წლიური ფინანსური ბიუჯეტის დამტკიცება;
 - 5.3.9. ფინანსურ პროცედურების დამტკიცება;
 - 5.3.10. აუდიტორული კომპანიის არჩევა ;
 - 5.3.11. ქსელის სტრუქტურული ერთეულების შექმნა და დამტკიცება;
 - 5.3.14. ქსელის ახალგაზრდული ფრთის შექმნა, დაკომპლექტება და საქმიანობის წესის განსაზღვრა.
 - 5.3.12. მრჩეველთა საბჭოს შექმნა, დაკომპლექტება და საქმიანობის წესის განსაზღვრა.
 - 5.3.13. შინაგანაწესისა და ეთიკის წესების შემუშავება და დამტკიცება და ზედამხედველობა ეთიკის წესების შესრულებაზე;
 - 5.3.16. პირის წევრად მიღების თაობაზე გადაწყვეტილების მიღება;
 - 5.3.17. წევრობის შეწყვეტის შესახებ გადაწყვეტილების მიღება პირადი განცხადების არსებობის შემთხვევაში;
 - 5.3.18. წევრობის შეჩერების შესახებ და შეჩერების საფუძვლის აღმოფხვრის შემთხვევაში შეჩერების გაუქმების შესახებ გადაწყვეტილების მიღება;
 - 5.3.19. გამგეობის წევრისთვის უფლებამოსილების შეწყვეტა;
 - 5.3.20. საწევრო გადასახადის გადახდის წესის განსაზღვრა;
 - 5.3.21. ქსელის წევრების, და მესამე პირთა განცხადებების და საჩივრების განხილვა გამგეობის კომპეტენციას მიკუთვნებულ საკითხებზე;
 - 5.3.22. ყველა სხვა საკითხის განხილვა, რომელიც არ შედის საერთო კრების კომპეტენციაში;

5.4. გამგეობის წევრები

5.4.1. გამგეობა შედგება მინიმუმ 3 და მაქსიმუმ 9 წევრისაგან რომლის წევრებსაც ოთხი წლის ვადით ირჩევს საერთო კრება.

5.4.2. ქსელის ნებისმიერ წევრს აქვს უფლება წარადგინოს საკუთარი ან სხვა პირის კანდიდატურა გამგეობის წევრად ასარჩევად. გამგეობის წევრობის კანდიდატები წარდგენილ უნდა იქნეს საერთო კრებამდე ერთი კვირით ადრე. გამგეობის წევრად შეიძლება აირჩეს ის პირიც, რომელიც არ იმყოფება საერთო კრებაზე, თუ არსებობს მისი წინასწარი წერილობითი ანდა კანონით დაშვებული ფორმით გამოხატული თანხმობა გამგეობის წევრად არჩევის თაობაზე. გამგეობა წევრთაგან ფარული კენჭისყრით ირჩევს გამგეობის თავმჯდომარეს;

5.5. გამგეობის წევრის ვალდებულებები:

5.5.1. დაესწროს გამგეობის სხდომებს და მონაწილეობა მიიღოს გამგეობის მუშაობაში;

5.5.2. სხდომებზე დაუსწრებლობის შემთხვევაში, გაეცნოს სხდომაზე მიღებულ გადაწყვეტილებას და იზრუნოს მის განხორციელებაზე;

5.5.3. მოამზადოს წინადადებები და იდეები ორგანიზაციის განვითარების სტრატეგიულ გეგმასა და საქმიანობის მიმართულებებთან დაკავშირებით;

5.5.4. წევრები ჩართული უნდა იყვნენ რესურსების მოზიდვის მიმართულებით დაგეგმვის, მონიტორინგისა და აღსრულების პროცესში;

5.5.5. გამგეობის წევრთა თვითშეფასების ფორმის შევსება 6 თვეში ერთხელ.

5.6. გამგეობის წევრს უფლებამოსილება შეუწყდება გამგეობის გადაწყვეტილებით:

5.6.1. პირადი განცხადების საფუძველზე;

5.6.2. უფლებამოსილების ვადის გასვლის გამო;

5.6.3. თუკი 3 თვეზე მეტი ვადით ვერ ასრულებს თავის უფლება-მოვალეობებს;

5.6.4. 3-ჯერ ზედიზედ არასაპატიო მიზეზით გამგეობის სხდომის გაცდენის შემთხვევაში;

5.6.5. გამგეობის წევრისთვის ვადამდე უფლებამოსილების შეწყვეტის შემთხვევაში, მას ჩაენაცვლება ორგანიზაციის ის წევრი, რომელმაც საერთო კრებაზე, ხმათა ყველაზე მეტი რაოდენობა მიიღო გამგეობის არჩეული წევრების შემდეგ.

ქსელის გამგეობის წევრები არიან:

1. თამარ მაჭარაშვილი
2. ინგა ნაბახტეველი
3. თინათინ გელხვიძე

5.7. გამგეობის თავმჯდომარე

5.7.1. გამგეობის თავმჯდომარეს ირჩევს გამგეობა ხმათა უმრავლესობით, გამგეობის წევრობის უფლებამოსილების ვადით.

5.7.2. გამგეობის თავმჯდომარის უფლება-მოვალეობები:

5.7.2.1. ხელმძღვანელობს გამგეობის საქმიანობას;

- 5.7.2.2. თავისი კომპეტენციის ფარგლებში, წარმოადგენს ორგანიზაციას მესამე პირებთან;
- 5.7.2.3. წელიწადში ერთხელ ანგარიშს აბარებს საერთო კრებას ორგანიზაციის საქმიანობის შესახებ;
- 5.7.2.4. საერთო კრებას დასამტკიცებლად წარუდგენს ორგანიზაციის საქმიანობის ძირითად მიმართულებებს;
- 5.7.2.5. იწვევს გამგეობის სხდომებს მინიმუმ 2 თვეში ერთხელ და ატყობინებს გამგეობის წევრებს სხდომის თარიღსა და დღის წესრიგის შესახებ სხდომამდე 5 (ხუთი) დღით ადრე.
- 5.7.2.6. ქმნის სათათბირო ორგანოს, დირექტორთა საბჭოს, რომლის შემადგენლობაში შედიან პროგრამების დირექტორები(კოორდინატორები). დირექტორატის სხდომები იმართება საჭიროებისამებრ ქსელის თავმჯდომარის გადაწყვეტილებით.
- 5.7.2.7. ანგარიშვალდებულია გამგეობასთან და ქსელის დამფუძნებელთა საერთო კრებასთან.
- 5.7.2.8. გამგეობის თავმჯდომარის საქმიანობის წესი განისაზღვრება მოქმედი წესდებით და გამგეობის დებულებით თავმჯდომარის საქმიანობის წესის შესახებ.
- 5.7.2.9. გამგეობის თავმჯდომარეს შეუძლია მასზე მიკუთვნებულ საკითხებზე გადაწყვეტილებების ერთპიროვნულად მიღება.

ქსელის გამგეობის თავმჯდომარე - თამარ მაჭარაშვილი

მუხლი 6 საზოგადოების ლიკვიდაცია/რეორგანიზაცია

- 6.1. არასამეწარმეო (არაკომერციული) იურიდიული პირის რეორგანიზაცია ხორციელდება საქართველოს კანონმდებლობით დადგენილი წესით.
- 6.2. არასამეწარმეო (არაკომერციული) იურიდიული პირის ლიკვიდაცია ხორციელდება მიზნის მიღწევის შედეგად, სისხლის სამართლის საქმეზე კანონიერ ძალაში შესული სასამართლოს გამამტყუნებელი განაჩენის საფუძველზე, გაკოტრებისას ან საქართველოს სამოქალაქო სამართლის კანონმდებლობით დადგენილი წესით.
- 6.3. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულში, დაკმაყოფილდნენ კრედიტორები და დარჩენილი ქონება გაუნაწილდეს უფლებამოსილ პირებს.
- 6.4. დამფუძნებელთა გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მენარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.
- 6.5. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრავენ არასამეწარმეო (არაკომერციული) იურიდიული პირის დამფუძნებლები. არასამეწარმეო (არაკომერციული) იურიდიული პირის ლიკვიდაციისას ქონების გასხვისება შესაძლებელია, თუ:
 - 6.5.1. გასხვისება ხელს უწყობს მის მიერ დასახული მიზნების განხორციელებას;
 - 6.5.2. ემსახურება საქველმოქმედო მიზნებს;
 - 6.5.3. ქონება გადაეცემა სხვა არასამეწარმეო (არაკომერციულ) იურიდიულ პირს.
- 6.6. აკრძალულია ლიკვიდაციის შედეგად დარჩენილი ქონების განაწილება არასამეწარმეო (არაკომერციული) იურიდიული პირის დამფუძნებლებს, წევრებს, ხელმძღვანელობისა და წარმომადგენლობითი უფლებამოსილების მქონე პირებს შორის.
- 6.7. თუ არასამეწარმეო (არაკომერციული) იურიდიული პირის დამფუძნებლებმა არ განსაზღვრეს ლიკვიდაციის შედეგად დარჩენილი ქონების მიღებაზე უფლებამოსილი პირი, სასამართლო არასამეწარმეო (არაკომერციული) იურიდიული პირის ლიკვიდაციის შედეგად დარჩენილ ქონებას გადასცემს შესაბამისად ერთ ან რამდენიმე არასამეწარმეო (არაკომერციულ) იურიდიულ პირს, რომლებსაც აქვთ იგივე ან მსგავსი მიზნები, როგორიც ლიკვიდირებულ არასამეწარმეო (არაკომერციულ) იურიდიულ პირს. თუ ასეთი ორგანიზაციები არ არსებობს ან შეუძლებელია ასეთი ორგანიზაციების

გამოვლენა, მაშინ შეიძლება მიღებულ იქნეს გადაწყვეტილება ამ ქონების სახელმწიფოსათვის გადაცემის შესახებ. სასამართლომ ქონება შეიძლება გაანაწილოს ლიკვიდაციის პროცესის დაწყების რეგისტრაციიდან 6 თვის შემდეგ.

6.8.ლიკვიდაციას ახორციელებს ხელმძღვანელობის უფლებამოსილების მქონე პირი (პირები) ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.

6.9.ქსელის რეორგანიზაციისა და ლიკვიდაციის შესახებ გადაწყვეტილებას იღებს საერთო კრება გადაწყვეტილება ქსელის საქმიანობის შეწყვეტის შესახებ მიღებულად ითვლება, თუ მას ქსელის დამფუძნებელთა 2/3 მისცა ხმა;

6.10. ქსელის საქმიანობა შეიძლება შეწყდეს სხვა შემთხვევებშიც, რომლებიც დადგენილია საქართველოს კანონმდებლობით;

6.11.ლიკვიდაციას ახორციელებს კრების მიერ დანიშნული სალიკვიდაციო კომისია;

6.12.ლიკვიდაციის შემდეგ დარჩენილი ქონება ნაწილდება მოქმედი კანონმდებლობის შესაბამისად;

მუხლი 7

ბუღალტრული აღრიცხვა და აუდიტი

7.1.ქსელი აწარმოებს ჩანაწერებს მის მიერ შესრულებულ ფინანსურ ოპერაციებზე/სამუშაოებზე.

7.2.ქსელის გამგეობა ყოველწლიურად ადგენს შესაბამის ანგარიშს ორგანიზაციის ფინანსურ მდგომარეობასთან დაკავშირებით და წარუდგენს მას საერთო კრებას.

7.3.საერთო კრება წევრთა 2/3-ის გადაწყვეტილებით უფლებამოსილია დანიშნოს როგორც შიდა, ისე გარე აუდიტი, რომელიც ანგარიშვალდებულია საერთო კრების წინაშე.

მუხლი 8

გარდამავალი დებულებები

ძველი წესდების გაუქმება და ახალი წესდების ძალაში შესვლა

1. თუ წინამდებარე წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.
2. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.